



**Ethica Amoris, Sive Theologia Sanctorum, Magni  
Praesertim Augustini, Et Thomae Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Sacramentis In Genere Et Specie - Libros Octo Complectens

**Henricus, de Sancto Ignatio**

**Leodii, 1709**

Caput 18. Præparatio Sponsorum ad matrimonium.

---

[urn:nbn:de:hbz:466:1-73212](#)

## CAPUT XIV.

*Sponsus, vel sponsa, laborans defectu, qui cognitus averteret, compartens à matrimonio, tenetur illum manifestare, si repugnat substantia matrimonii, vel si infectius alterius, vel futurus ipsi graviter noxiis. Alius non, etiam si matrimonium inde futurum si minus commodum, & minus appetibile.*

**58** *I*mprimis quod manifestare tenetur defectum, repugnantem substantiam matrimonii, v. g. impotentiam, vel aliud impedimentum dirimens, omnes convenient. Quia esse nequit obligatio ad matrimonium, nec proinde sponsalia, cum tali impedimento.

**59** *Q*uod etiam tenetur manifestare defectum infectivum alterius, vel futurum ei graviter noxiis & damnum, saltem si per accuratum inquisitionem detegi non solat, v. g. morbum gallicum, lepram, &c. eti Sanchez, Hurtado, Escobar, Dicastillo: merito tamen affirmant Turrianus, Pontius, Cominck, Palao, tum quia peccat contra justitiam, qui mercede inutili, vel multum noxiis, aut notabiliter viosam, vendit ignorantia hæc vitia, ut de lignis putridis tradidit L. Julianus 13. ff. de aet. empti. & L. 1. ff. de Adil. Edict. Tum quia nisi manifestentur, periculum est ne matrimonium infastis fortatur exitus, merito imputandos doloso sponso, vel sponsa. Tum denique quia cum ejusmodi defectus sit iustissima causa dissolvendi sponsalia, fraudulentem censetur sponsus vel sponsa, si eo non detecto sponsalia vel matrimonium contrahat, frausque illa valde scandalosa est: sed quod spectata humana fragilitate, et parti occisionem maxime exacerbationis, aliorumque non levium peccatorum.

**60** *D*enique quod manifestare non tenetur defectus non infectivus, nec noxiis, eti reddere possint matrimonium minus commodum, & minus appetibile, docent omnes passim Doctores: tum quia & in usu communissimo timoratorum est receptum. Tum quia in contrafacto emptionis non est obligatio aperiendi leviores defectus mercis. Tum denique quia sibi pars altera debet imputare, quod accuariorum de iis non fecerit inquisitionem.

**61** *H*ujusmodi defectus a Doctoribus censentur fornicatio sponsi, vel sponsa, antecedens vel sublegens sponsalia, ignobilitas, paupertas & similia, personam intrinsecè non sufficientia, sed extrinsecè, adeoque per accuratum perquisitionem detegi solita. Ad quæ manifestanda tunc maxime non tenetur sponsa, quando non potest abque sui diffamatione. Negue enim tenetur se ipsam diffamare. Et idem non tenetur manifestare fornicationem suam. Si tamen merito timeret, ne vitium suum post matrimonium fieret manifestum, & sponso noxiis, indeque orituras graves rixas, & diuturnas, grandiaque peccata, ut si forte occulè gravida, teneretur illud manifestare, vel nuptias declinare: utpote de quibus aliqui merito timeret debet infastis exitus, graveque damnum sponsi innocentis, proper illegitimum puerperium, indeque ignominiam ipsius, educationem illegitimam prolis, hereditatem, &c.

## CAPUT XV.

*Qui promisit, vel etiam juravit, se non duclerum nisi Titiam, absoluere non tenetur eam ducere, sed solum casu quo nubere velit.*

**62** *R*atio est, quia negativarum ejusmodi promissionum, vel pactiōrum, genuinus sensus non

est de ducentia absoluto tali, sed de alia non descendit. Sicut si quis dicat: non vendam equum, nisi Cajo, sensus non est, ipsi absolute vendam; sed, si vendam, Cajo vendim. Unde Caju ipsum cogere non potest ad vendendum. Reus tamen efficit violatae promissionis, si alteri diceret. Et similiter, in casu nostro, si aliam diceret.

## CAPUT XVI.

*Ad dissolvendum sponsalia clandestina, seu occultia, dum causa dissolvendi est moraliter certa, necessaria non est autoritas Judicis Ecclesiastici.*

**I**ta S. Antonius 3. p. tit. 1. c. 7. Quia nullo iure pro illo cauſa statuitur necessitas Judicis Ecclesiastici. Uti nec pro cauſa, quo sponsalia publicè contracta sunt, si dissolvendi cauſa sit publicè manifesta. Sed in aliis casibus dirimi debet secundum judicium Ecclesie (art. S. Thomas in 4. dist. 27. q. 2. a. 3.) utique primum, quando cauſa dissolvendi dubia est. Secundo, dum sponsalia contracta fuerunt publicè, & in facie Ecclesie, & dissolvendi cauſa est occulta. Tunc enim, ad vitandum scandalum, recurrendum est ad Judicem. Sed antequam reveletur occulus defectus alterius partis, monenda est, ut, ad evitandam infamiam suam, contentias in dissolucionem adhibitis etiam, si neceſſe sit, parentibus ipsius, seu aliis viris suis, à quibus inducarerit ad contentum istum. Quod si post hoc omnino noli contentire, sibi imputet, si defectus, cum infamia ipsius, defatur ad Judicem. Ita Doctores communiter.

## CAPUT XVII.

*Observanda post sponsalia.*

**I**mprimis summopere cavere debent sponsi, ne lanante matrimonium, per verba de presenti contractum, sub eodem techo habent, vel peccato carnis, five opere consummato, five per libidinem oculorum, amplexus, vel tactus inchoato, se invicem polluentes, Deum à cordibus suis excluant, cum diabolico incipientes, quod in Dominio inchoandum & perficiendum est, gratia sacramentali, divinisque benedictionibus obicem ponant, infastisque proinde nuptias contrahant. Quod tanti momenti censuit S. Carolus Borromeus, ut carnalem copulam inter sponsos ante matrimonium Episcopo reservatam esse voluerit in Concilio Mediolanensi VI. tit. de his que ad matrimonium pertinent. Quod & fecit Synodus Aquensis anni 1585.

Deinde ad matrimonium se preparare debent modo exponendo capite sequenti.

## CAPUT XVIII.

*Preparatio Sponsorum ad matrimonium.*

**P**rimò nunquam Christianus homo, vel Christiana, statum matrimoniale eligere debet, nisi ante omnia, etiam ante sponsalia, ferventes, frequentibusque orationibus, alisque pictatis exercitiis, à Deo postulaverit ut notam fibesceret via, in qua ambulare, ipsi servire, salutemque suam operari debeat, sicutque diligenter penderit, an vocatio ad matrimonium ex Deo sit, an ex inclinatione carnis & sanguinis. Neque enim verum est quod ait Author liber gallice conscripti, sub hoc titulo: *Traité de la vocation Chrétienne des enfans*, scilicet quod omnes naturaliter ad matrimonium vocati sint, vocatione generali, exceptis iis solis qui se vocatos specialiter sciunt ad virginitatem. Neminem proinde examinare debere, nim vocatus sit ad matrimonium: sufficere, quod se specialiter vocatum non sciatur ad

celibatum. Aliam enim regulam cognoscenda divinae vocacionis tradit Apostolus 1. Cor. 7. si se non continent (id est si qui prouident, vel prudenter metuant, ne in temptationibus, in quibus sunt, vel futuri sunt, in castitate non perseverabunt) nubant. Melius est enim nubere quam nari. Unde August. liber de bono conjugali c. 10. concludit: *hoc tempore solos eis, qui se non continent, conjungi oportet.* Et Gregorius p. 3. curia Pastoral. admittit: 28. admonentes sunt cœlibes, ut si temptationum procelas cum difficultate salutis tolerant, conjugi portum petant. Vel ergo illi soli contentur ad matrimonium vocati, vel cum ipsis qui specialia in fœtigna cognoscunt divinae ad eum statum vocatio- nis.

66. Et ideo frequenter & ferventer Deum hoc ve- simili modo orare debet: *Domine quid me vis facere? nota me fac mihi viam in qua ambulum, da mihi virtutem contra hostes tuos, carnem & sanguinem, ut non secundum eorum inclinationem, sed secundum beneficium tuum dirigar.* Adolescentibus & pueris, in aetate nubili constitutis, hoc frequenter inculcandum est à Parochis & Con- fessorib[us].

67. Secundum, quia proprium iudicium h[ic] faci- lè corruptiū a caco amore proprie voluntatis; ideo corundem Parochorum & Confessoriorum, aliorumque (quibus animi sui propensiō nota est) in re tanti momenti consilium dicit adolescentes & pueras prudenter exquirēnt.

68. Nec sibi sponsam vel sponsam eligent, pa- rentibus inconsulis; 1°. quia Scriptura parentibus committit ut filios tuos & filias nupicii tra- dant; 2°. quia graviter peccant contra præcep- tum honorandi parentes, qui absque justa urgente cause, matrimonium inueni ipsis inconsulis aut invitis. Honor quippe parentibus debitus p[ro]stulat, ne quid magnum sine iporum consilio aggrediantur; 3°. quia non parum intercessit parentum, quem generum vel nrum habuiti sint, cui tamquam filio vel filiae dotem consignare, & parentum officium impendere debeant. Unde S. Ambrosius epist. 47. Sifymo scribit: *justam fuisse paternam officiationem ipsius, quod, ipso incon- fuso, filius uxorem acceperit: quoniam (in- quirit) venturam in locum filie debuisse eligere ju- dicio, cui sires pater.* 49. ipso summet filiorum id ordinariē interest. Ut pote quos aliqui, in de- lecta conjugi, excusat libido, præcipitania, & incircumfessio juvenilis.

69. Tertio, post dictam consultationem & orationem, persuasus se à Deo ad matrimonium vocari, eligeat debet sponsam, nullo ligatam impe- dimento consanguinitatis, vel affinitatis, &c. que- que pars sit cum ipso conditionis, artatis, & indolis. Ne a superioris conditione sponsi vel sponsa faciliter despiciatur, & inferioris conditionis sponsi vel sponsam ipse vel ipsa faciliter despiciat. Ad quod præcavendum Poëta dixit: *Si vis nu- bere, nube pari.* Sed & dispar indoles sapientia inducit animorum, & artas longe dispa- riumque argumentum est vel avara, vel libidi- nosa intentionis in matrimonio contrahendo, dum non prolis iusta sit; sed vel libidinis, vel pe- cunia.

70. Quartio, matrimonium et intentione contrahi debet, quam Raphaël Archangelus Tobit 6. ju- niorem Tobiam docuit, dicens ei: *Audi me, & ostendam tibi, qui sunt, quibus prevalere potest de- monium.* Hi namque qui conjugium ita suscipiant, ut Deum à se, & à fœnere exclaudant, & (ue- libidini ita) vacent, sicut equi & muli, quibus non est intellectus: habet potestatem demonium super eos. Tu autem, cum acceperis uxorem, accipies virginem cum timore Domini, amore filiorum, magis quam libidine datus, ut in semine Abrabe

*Tom. III.*

benedictionem in filiis consequaris.

Huc Concilium Colonense anni 1536. can. 71.

12. postquam ostendit, matrimonium propter li- beros procreatos, & propter fornicationem vi- tandam, esse institutum, monet eos qui matrimoniū contrahere affectant, ne alius effectus ipsis bu[co] rapiat... Nam si neque ob problem suustantiam, neque ob fornicatione visitandam, sed potius di- viuatur, aut opus noncessandum, aut alterius rei gratia matrimonium contrahatur, perperam a- gitur, ac graviter in Sacramentum peccatur. Hic quoque Tobie 6. 7. & 8. scribuntur, enarrari, proponi, ac doceri convenit. Ubi locus pulcherrimus est, exemplo commostrans; quemadmodum bona uxor donum Dei sit, debitum timenti Dominum. Quomodo in timore Dei uxor a parentibus, non lu- xuria causa, sed sola posteritatis dilectione, in qua benedicatur nomen Domini in secula, petenda. Quo pacto conjugii conscriptione facta, tradenda. Quemadmodum etiam convivium nuptiale cum laude & benedictione Dei agendum. Denique quomodo pre- cendus sit Deus per conjugem, ut benedictionem suam in ipsis, quos conjugavit, implete. Hec enim do- cent Sanctorum filii, qui non debent ita conjungi, sicut Gentes que ignorant Deum. Errite ob oculos ponendum horrendam illud exemplum, de sep- tem viris Saraceni a demone occisis, quia libidinis ex- plenda causa conjugium fuseperunt.

Similiter S. Carolus Borromeus in Instructione de Sacram. Matrim. tit. quae Parochus doceat: do- cebit (inquit) quo animi affectu, & quam ob causam fideles matrimonium ineant. Quo in genere de- monstrabit, ad illud eas non explenda libidinis cau- sa duci oportere, sicut equi & muli, quibus non est intellectus. Neque principiū effervi cupiditate divitiarum; sed cum prolis suscipiente gracia, que sanctam Catholicam Religionem colens, ad cele- stiam præmiorum hereditatem, Christiana vita præcepit, piega agendi usu instituatur. Tam etiam causa vitande fornicationis. Et ut conjuges, alter alterius op[er]a adjuti, vita incommoda faciliter ferre, & senectus imbecilitatem suustantare queant.

Duos illos posteriores fines explicant Augusti- nus lib. de bono conjugali cap. 3. ostendit con- jugium esse bonum, non propter solam filiorum procreationem, sed propter ipsam etiam naturalem in diverso sexu societatem. Et hinc ostendit, con- jugium esse bonum etiam in sensibus: quia eis in ipsis emarcuit ardor etatis inter masculum & feminam; uestigia tamen ordo charitatis inter mari- tum & uxorem. Denique à commissione carnis sua pari consensu se continere coeparent. .... ser- vatur fides hororis, & obsequiorum invicem de- bitorum ab alterato sexu. Denique tripliciter ostendit; quomodo conjugium bonum sit ex cau- sitate fornicationis, ex quantum scilicet car- nalis, vel juvenilis incontinencia, etiam si vitiosa est, ad propagandæ prolis redigitur honestatem, ut ex malo libidinis aliquid boni faciat copulatio con- jugalis. Et quia reprimunt, & quadammodo ve- recundius astutus concupiscentia carnis, quam tem- perat parentalis affectus. Intercedit enim quadam gravitas servanda voluntatis, cum in eo quod sibi vir & mulier adiuvescant, pater & mater esse me- ditantur. Tertio, quia in eo ipso quod sibi invicem conjuges debitum reddant, etiam si aliquando in- temperant & incontinentius expectant, fidem ta- men sibi pariter debent.

Primus itaque principaliisque incundi matrimo- nii finis (si non ineat ad castè vivendum, sed in ordine ad usum) est ad suscipiendam problem, quæ p[ro]p[ter] & christianè educata, aliquando perve- nit ad celestem hereditatem, prout Tobiam do- cuit Angelus suprà n. 70.

Secundus, sed in quo sifere non oportet, sed cum ad ulteriore finem referre, est propter vi-

Ppp 2

tandam fornicationem, juxta illud Apostoli, propter fornicationem autem unusquisque suam uxorem habeat, &c. Et hic finis excusat, dum concupiscentia carnalis ad propagande prolis redigitur honestatem, dumque concupiscentia carnalis etiam temperat parentalis affectus, denique dum eidem concupiscentiae exequita copula conceditur ad debitum reddendum, uti S. Augustinum adivimus exponentem.

76 Tertius finis est, diversi sexta mutua expedita societas, mutui auxilii sive conciliata, ut alter, alterius ope adjutus, vita incommoda facilius ferre, & senectus imbecillitatem sustentare queat, uti cum S. Carolo ait Catechismus Romanus. Ethic finis est bonus, sed, ut bene intendatur, à charitate imperari debet, ad Deumque referri, prout iunxit Augustinus supra n. 73, ibi: *viget tamen ordo caritatis.* Et hanc praecepit intendere debent, qui in ea estate matrimonium inire volunt, in qua filios se procreare non posse sciunt, prout Auguſtinus ibidem.

77 Denique tunc sunt intentionis restitudinem ostendunt, qui nubere volunt, si in eo vel in ea, quem vel quam ducere volunt, non tam terrenas opes, corporis pulchritudinem, vel aliud simile motuum terrenum confiderent, quam opes & pulchritudinem animi. *Fallax quippe gratia, & vanus est pulchritudo corporis: mulier timens Dominum, ipsa laudabitur.* Prov. 31. Et gratia super gratias, mulier sancta & pudorata. Eccli. 26. Et qui inventi mulierem bonam, inventi bonum. Prov. 28. Juvabit pte oculis habere hosce Poëtae versus:

*Quae tibi ducenda est, habeat P. quinque puella.  
Sic Pia, sic Prudens, Pulchra, Pudica, Proba.*

#### C A P U T X I X.

Præter dicta capite precedentem, matrimonium præcedere debent tres proclamationes, seu denuntiationes, vulgo banna.

78 Quia sic statutum est in Concilio Lateranensi, sub Innocente III. cap. 51. Et in Tridentino ref. 24 de reform. matrim. c. 1. præscribitur, ut, antequam matrimonium ineat, *er a proprio contrahentium Parochio*, vel alio Sacerdote, de ejus licentia, *tribus continuis festiis diebus* (id est nullo feste interruptu) in Ecclesia, inter Missarum solemnia publicè denuntietur, *inter quos matrimonium sit contrahendum.* Verba sunt Tridentini loco citato. Idque iudicium statutum est, ut impedimenta matrimonii, si que sint inter partes, Ecclesiæ innotescant, foliæque illæ personæ conjugantur, quas legitimas esse conffiterit. Et id est si contrahentes diversarum sint Parochiarum, proclamationes faciendo sunt in Parochia utriusque, juxta declarationem S. Congregationis Cardinalium. Aliæ impedimenta sufficienter cognosci nequeunt. Atque ita Paulum V. in Rituali decrivelis, referit Christopherus Marcellus.

79 Factis proclamationibus, si nullum legitimum oponatur impedimentum, statim ad matrimonii celebrationem procedi potest. Sed si impedimenti probabilitas apparet conjectura, matrimonium expressæ interdicendum est, donec de rei veritate manifestis conffiterit documentis, cap. *cum inhibitu de clandest. desponsat.*

80 Porro ad Episcopum, ejusque Vicarium spectat dispensatio super proclamationibus istis. Ut potest quas Ordinariorum prudentia & judicio Tridentinorum supra committit, nimisrum ut judicet, nullum expedit, ut una tantum proclamation ante matrimonium fiat, vel post illius celebrationem, ante consummationem proclamationes in Ecclesia sint, sive etiam ut dictæ proclamationes remigantur.

Hoc ipso vero quod earum remissionem Epis. 81 copi judicio & prudentia committit, satis inuit, requiri justam causam ad dispensandum. Neque enim prudens est dispensatio, sed eruditissima dissipatione (ut S. Bernardus ait) nisi causa justa inatur. Causa autem sunt, sequentes.

1º. si probabilis fuerit suspicio, matrimonium, vel matrimonii usum fraudibus injulis, vel maleficiis malitiosè impediendi posse.

2º. si proclamationes fieri nequeant absque notabili infamia, scandalo, aliove notabili incommmodo, ut dum femina partum de proximo praefolatur, vel periculum est relapsa in peccatum, vel gravium rixarum, odiorum, &c. inter consanguineos, vel corrivales.

3º. si inler tempus Adventus, vel Quadrigemina, quo nuptiae interceduntur. Hanc causam approbat S. Congregatio Concilii Trident. apud Zerolam in præl. Episcop. verbo *matrimonium dub.* 9. Sed S. Carolus Borromeus cum Concilio V. Mediolanensi improbat p. 3. tit. que ad matrimonium pertinet.

4º. si periculum sit, ne compartis animus, divisione matrimonio, ex innata levitate, vel aliorum fuatione immutetur.

5º. si proles, statim nascitura, legitimeetur. 86 6º. quoties disparitas conditions, vel divitia: 87 rum, et inter volentes contrahere, ut si ignobilis cum nobili, dives cum paupere, honestus cum meretrice contrahere velit, ut cam à peccato reveretur. S. Antoninus 3. p. tit. 1. c. 16.

Septimam causam nonnulli assignant, dum summi Principes contrahantur. Non solum quia prærogativæ aliqua digni sunt; sed & quia corum genus & facta omnibus comperta sunt; nec proinde in ipsius periculum est impedimentum occulti. Præterea vix unquam contrahantur, quia matrimonium ipsorum aliquo prius tempore fit omnibus notum; id estque abique proclamationibus facile innotescere posset impedimentibus, siquid subflet.

Quod si matrimonium ultra duos menses (juxta Rituale Romanum) vel ultra quatuor menses (juxta declarationem S. Congregationis, apud Pollevenum & Barbofam) facta proclamationibus differatur, proclamationes arbitrio Episcopi repetenda sunt.

Si denique, factis proclamationibus, taliis unis, omni exceptione major, afterat impedimentum, ipsius unius assertione matrimonium impeditur, donec oppotuit probetur. Et idem est, si impedimentum sit fama communis, cap. super eo de consanguin. & affin. cap. præterea, & cap. cùm in tua de sponsal. ubi etiam dicitur, admittendum non esti juramentum à parentibus oblatum in contrarium. Quia parentes in eo tandem suscipiunt, quoniam probationes in contrarium non proferunt.

Quicumque absque dispensatione, aut causa legitima (v.g. dum gravis & aptera angustias urget, nec per temporis angustias adiut Episcopus potest, ut dum vir, in præsenti moris periculo, vult ducere feminam, ut proles ex ea lufetetur, legitima reddatur, vel stuprator virginis (antiquitate Judicis) eam castitatem matrimonium contrahere compellitur, ad abolendum ipsius infamiam) nullis præmissis denuntiationibus, matrimonium contrahit, mortaliter delinqvit contra Ecclesiæ præceptum in re gravi. Ita S. Antoninus 3. p. tit. 1. c. 16. In modo matrimonium sine denuntiationibus validè contrahiri non posse in regno Galliæ, declarat Constitutio Regis Bleensis a. 40. Quod tamen intelligendum est quod effectus Civiles, quamvis in ratione contrahendi & Sacramenti valida sint, ut Regis nomine Clero Gallicano Primarii Ministri Regii responderunt anno 1629.